

Supervizor za Brčko pozdravio formiranje vlasti



Supervizor za Brčko, dr. Raffi Gregorian, pozdravio je današnje formiranje vlasti u Distriktu Brčko. On je čestitao novoimenovanim zvaničnicima, gradonačelniku Distrikta Brčko, Draganu Pajiću, predsjedniku Skupštine Distrikta Brčko, Mirsadu Đapi, i zamjeniku predsjednika Skupštine, Ivanu Krndelju. On je također izrazio svoje očekivanje da će oni obavljati svoje dužnosti u sukladnosti sa zakletvom koju su položili da će se pridržavati Statuta i zakona Distrikta, odluka Arbitražnog tribunala i Ustava BiH.

Supervizor Gregorian se nada da će uskoro biti imenovani novi sposobni šefovi odjeljenja koji nisu bili u sastavu prethodne izvršne vlasti, kako bi se omogućilo da Vlada Distrikta funkcionira u potpunosti i da se uhvati u koštac s problemima koji su se nagomilali tijekom protekla četiri mjeseca.

Nema vremena za gubljenje – nakon više od četiri mjeseca nakon izbora, poslanici su samo uspjeli da imenuju gradonačelnika, predsjednika i zamjenika predsjednika Skupštine. Novi predsjednik Skupštine mora nastojati da prevaziđe mnoge bojazni koje su iskazane u svezi sa njegovim postupcima u prethodnoj vladi, dok novi gradonačelnik mora pokazati da će upravljati izvršnom vlasti u ime svih stanovnika Brčkog. Od Skupštine Distrikta Brčko supervizor Gregorian očekuje da odmah usvoji rezoluciju o ustavnom amandmanu o Brčkom koju su poslanici jednoglasno prihvatili prethodnog mjeseca, da se pozabavi pitanjem proračuna za 2009. godinu i da odlučno, što je moguće brže, krene naprijed u provedbi svoje nove platforme.